

復  
初  
齋  
詩  
集

復初齋詩集卷第三十八

大興 翁方綱 正三

谷園集六

己酉六月  
至九月

題盱江書院壁

我再來盱江重借琴城宿淵源千載意寤寐驚之熟此  
邦富秀良天意栽植篤山川含粹精人文聚清淑所貴  
於經術非爲炫巾簏必有真光芒貫鼎汗青竹古人破  
萬卷所以日三復元氣攝混茫百寶來沐浴緬惟直講  
公類彙編更續況乎集隆平何減校天祿上接匡劉揚  
司徒掾所錄一稟於儒林陳常樹之穀後賢當如何崑  
嶠日剖玉勿矜翹穎選而忘藥石蓄敬告鄉大夫祗庸

教敦睦中和樂職詩僉僉遍閭族風暄講堂側日聽絃  
歌肅勉旃以等級請事有節目西江第一郡陶冶深卷  
軸質厚以爲本箴銘誦山谷

魯貢雙玉歌

昔聞十穀記魯史雙玉作貢於王京爾時未知璋判白  
果否品目瑳與瓊何人傳會逸論語璵璠本自山元精  
問王問玉且莫執奐若瑟若先揚聲國寶初從聖論定  
誰復例及璵瑜瑛二徐未及收呂覽仲梁奚以補季平  
顧惟魯僖爲衛請未必有意抒精誠我今遴才效國用  
薦諸

天廟始中程熊熊寶氣盱水上六經腹笥騰光晶一謝

琢珞飾以藻一變丹青澤之瑩仲也孚勝季理勝山川  
會合精神并我觀其璞識其韞所期以實非以名去年  
穎發今採秀琅玕琪樹皆天成我來西江選樸學往往  
虹氣連江城萬載浮梁辛與鄧說經奪席驚羣英魯家  
一庭合璧出天球和璞光迴縈昌黎薦士比郤鼎愷倂  
神勞心所盟廉隅纈密始登造特達旁達彌堅貞愧予  
琢磨敢自任貴爾比德方施行易求照乘玉萬鑑難致  
通經魯兩生

遊麻姑山三首

出郭向山麓沿畦閒桑麻夜雨驅溽暑溼雲洗疎花微  
逕半林木柵籬三兩遮依然人境邇那尋蔡經家山腰

換竹輿稍稍風氣賒玉簾飛空來紺宇吐流霞全山鍊  
精液一氣無幽遐二僧澹延客石鉋方瀹茶

山庭亘百里袤跨兩郡間此邑當一面寺門近可攀雖  
云石作磴直以雲爲關稻畦浸百頃岡轉屢迴灣不知  
獨往人何以寫潺湲谷名旣追謝壇記復訪顏碑石不  
可尋志乘豈勝刪不如選綠陰趺坐來看山

背轉碧濤菴幾抱仙源曲前沿萬竹磴五忠儼祠屋傳  
聞會仙處壇宇因卜築客來獨何事屐響遶雲木聊假  
半日閑僧廚饗齋粥盥漱淨巾孟松篁清耳目四山遠  
吹來凌虛氣肅肅笏齋欠虛窗尚憾居僧俗

飯麻姑山寺望五老飛爐諸峯

五百餘年說陳迹記否張黃共仙籍

張假守曾墳黃令永綸

王生

恐是方平孫會假峯陰曝殘冊

王生聘珍昔嘗讀書於此

王姜二子

亦解人吳生俱是山中客

王教授謨姜教諭其確吳生照也

幾度尋盟

待料理邀我彭觥試輕策誰云取用充俄頃煙飛曉霽

霞飛夕五峯何用擬匡廬同自星垣墮靈液雙煙直上

跨九霄把袂浮邱接瑤席爐飛來卽峯飛來大海蓬壺

元咫尺重崖何意環庭戶元氣蒼茫落巾舄一杵山鐘

清響蒼萬壑風泉戛金石我來自與山水言山靈眞面

初親覲卿嬭婉委儻不悶玉字金書啟青赤知我親收

冊府才

建昌選拔貢生七人多經術之士而王吳二生適皆同遊

息壤苔岑豁開闢

九霞靈音證前諾茫然不自知行役松釵滿地金薤橫

巖戶霏霏鐘乳滴尚嫌文字著筌蹄劃破虛庭一方碧

偃蓋松

弔古五忠祠言觀偃蓋松此松植何時時近顏魯公正  
使魯公時豈必魯公植愛樹思其人因想公筆力天啟  
丙寅歲樵李吳令題莫輕補栽幹何啻重榮枝峯亦稱  
五老松亦稱大夫齒一匡君配爵一顏公俱偃蓋復森  
森諸峯護翠陰百尺凌霄意千秋弔古心弔古復懷賢  
壇風爲颯然試摹壇記字石氣挾飛仙

神功泉

擲米成丹砂釀泉爲旨酒形神資氣化造物初何有西  
海祝東海栽竹莫栽桑變眩不一瞬成虧可兩忘攜客

禮金庭道人烹玉醴誰知漢沔得卻在隙厓底深通葛  
洪井氣壓龍門橋渟泓俯萬綠汲之纔一瓢何人墨灑  
壁鐫此三大篆我從山頂來目送沙紋轉二生立橋邊  
似欲擎篆學斜陽一峯來指似神光卓

三樹堂歌爲鄞縣邱東河賦

東河別我乙巳冬爲說古樹蟠龍從鐵香香廚萬螺墨  
雲海至今盪我胷明年我持豫章節松濤魏子時過從  
得君手書如見樹三載戾置行牕中君在海嶠時憶我  
我亦寤寐來甬東東臯村邊君家宅堂前一柏夾兩松  
三樹名從宋南渡六百餘歲撈虬龍 國朝居人盛文  
藻遂噪詞苑喧詩筒山川戛擊鸞鶴響與爾濤瀨相撞



春樹亦蒼然吐奇氣日日邱家靈秀鍾人才輩出文益

富詩篇賡續陰逾濃世間幾家宋時屋東臯石怡東厓

逢君先世號東厓者得東厓石甚奇因以載石名堂堂名載石又名樹盤擎樑

結誰爲雄夜夜星精攝元氣收盡甬上諸青峯東河年

來宦嶺海堅心砥節神彌充天生大材必有用世家相

勛孝與忠長養滋培非一日參天拔地誰能同如此孤

根作三友不愧鐵榦柯青銅持我此詩與對論似爲此

樹寫此衷柏耶松耶蒼長嘯海山萬壑來天風

歲科兩試遍閱人文以建昌之新城撫之金谿

二邑爲通省之冠蓋通才務學則推新城舉子

業則推金谿也疊前二詩韻示學官弟子

三十年前聽雨餘捫心敢以鑒衡居後來白下籃輿句  
每惜金沙竹里書瑩玉丹青盟未改江山響蒼意何如  
我因王魯瑰琦氣猶憶周何發解初昨在建昌爲王仁  
圖教授訂其所著  
夏小正傳箋又爲魯絮翬進士閱定文集皆今日西江  
名士也又欲訪求金谿周生肅文何司訓飛熊兩解元  
之文共選刻之

廬阜如何面目真且休矩矱貌先民誰將二水分章浦  
自有雙龍合劒津太璞無媒求以氣良農有飫取其陳  
此間萬丈光芒在護惜根荃感大鈞

臨川學官以邑人李氏所藏王黃州小畜集舊  
鈔本見示其面題是竹垞八分也碎爛可惜爲  
加整標題二詩還之

我抄跋失沈虞卿尚記蘭亭有舊盟面上金風亭長字  
又翻新吹曝秋晴

墨池綠蘚日彫疎寤寐臨川得借書風味依稀會昌本  
手披詩義解梁初集中有解梁得令狐補闕毛詩音義是會昌三年寫本詩云偶收毛鄭古詩義認得歐虞舊筆蹤

贈吳生嵩梁

百五人中補此人通省選拔一百五人始知廬岳最嶙峋蓮洋得  
髓他年喻迦葉拈花現在因鳥自相求能感氣鶴元不  
病更清真生有病鶴賦煩君一吸西江水莫放坡詩百態新

雨夕靜香齋與裴鶴峯話別

重尋廿載珠江夢一片蕉梧滴檻聲章貢波添新雨氣

匡廬面識故人情夜涼抵得千觥凸秋信傳來二鶴鳴

欲問蓮湖拈別話靜香髯記前盟

君有蓮湖小照

題徐親園倣文五峯夏山卷

君倣五峯爲夏山自云五峯出董源又作夏山別摹董  
天機滅沒參差間二卷同日持示我五峯卷更澹以閑  
臨摹有神乃無迹意到不止荆與關是日蕉窗夕雨霽  
東湖秋暑暑未闌淋漓二卷勃奇氣灑然空吹來晝寒  
自說初臨董卷日絹素黯黹難追攀燈光閃爍雲霧窟  
庚庚橫畫皆煙巒諦視移時乃落墨豁然生面爲改觀  
他日復徇友人請捫紙起立尋無端所以賴此五峯卷  
如合銀觥雙千醵密林橫約法尤備泐流窠石疎非繁

還君行囊峭帆去試對斷靄重展看小窗研璞畱影在  
但作草隸神鬱蟠

親園倣吳墨井湖山秋曉二首

墨井道人眞迹少題詞倣佛記耕煙密林陡壑商量意  
如許空濛那得傳

秋在層青淡靄間南湖夢擢海虞還穿林幾道飛泉響  
吾谷霜紅轉處山

贈親園

漁山詩話卽耕漁

君以臨吳漁山畫卷屬題

友竹還同有竹居時潑

夏山吳苑墨如臨蟠扁楚金書湘東斑管生花後城北

紅棠酌酒初

記始晤于竹井席上

南極少微江上夢誰知今夕照

匡廬

送鶴峯之粵東

廿載炎涼閱歷深  
炎方重憶舊登臨  
暫來故里翻如客  
不過眞知莫漫吟  
庾嶺梅花憑寄驛  
藥湖蓮葉記分襟  
小齋何物堪持贈  
只有跣趺見道心

蘭雪圖爲吳生題

孔子言蘭不言雪  
此義韓子乃補之  
嗟哉志士感後時

仲舒休奕兩不知

昌黎蘭雪並言本於傅休奕休奕之說本董仲舒

空山孤根

日滋息大哉陽和天地力  
悟徹蒼茫獨立人  
水石昏陰淡如墨

題扇贈鶴峯

誰將北望懷人意收入雲帆小簇中偏是漁村紅樹影  
半江殘照太空濛

錢生裴山以禮闈第一人入翰林出錢湘舫修  
撰之門賦此奉寄兼示湘舫

朝朝秋色對匡廬

丙午秋予奉使出京生繪匡廬秋色圖以贈行

快盼佳音到

役車太傅門庭三世邇名元衣鉢七春餘峯青鼓瑟詩

如憶夢遶重輪兆有諸

生爲宮傳文端公會姪孫昔文端典乙丑禮闈夢三大錢聯系

是科得錢文敏文敏本房則錢相人方伯琦也豈但君家添故事玉堂嘉話不

勝書

題王述菴侍郎所貽唐襲文研二首

背有襲文自銘

藩溷研思極稗函那將陽羨比終南

用襲文荅友詩句

西泠橋

下泠泠水滌盡山中十稔談

侍郎北去驛催詩夜夜雲霞起墨池夢我洛神元晏本

一虬燈影隔窗時

予方摹搨荆川家藏洛神十三行本

李鐵橋於濟寧學掘得范式碑賦此奉寄兼呈

### 小松

任城寶墨熊光起天意助成黃與李李家耽古今兩世

黃子到官餘一紀得碑圖與剔碑圖范額王碑出未已

二鄭全碑復舊觀金絲聲中瞻問禮

孔子見老子象

今者緘來

絕奇特鄱陽魯峻推鄉里夏侯丁馬剩幾人四橫逕尺

參差是誰知正面森有芒眩晃不敢凝眸視一片山陽

烈士心碑兀輪囷照青史莽莽畫痕皆聳立真氣千年



尚如此百六十字十二行字字行行百金抵顧視蒼茫

兩行額十年前記臨渠水

碑額戊戌夏膠州崔君得於龍門坊水口

尅期似

覲張元伯裂書漫結陳平子八分小字記碑右黃李同

鐫爲狂喜不知何與吾輩事石不能言果誰使卯秋黃

子得宋本我爲斷斷研蔡體范耶蔡耶神式憑不在煙

煤一幅紙任城五碑茲已八何況郎中與尉氏昔所不

見忽聚之二千年蹟今完矣鄭汝器耶張力臣恨不同

時共窗几寄聲賀李因報黃姓名已與東山峙虹光破

碧有昔言竊喜區區獲竅啟卻近鄱陽洪氏居篷窗夜

夢馳東濟

曩題秋盦所得宋拓本詩末句云任城城隅剔草萊恐有虹光破空碧若爲今日兆者

如臯鄭默齋意園圖二首

意釣歸來復意行意中結構本天成畫家何自追摹得  
恰受嵐光檻外橫

夢遊髣髴共清吉半日看山問水源忽憶前詩何處是

影園記著冒家園

冒巢民家有影園

### 舒文節公探梅圖說墨蹟卷

三年讀禮桐岡廬應召復官北上初停舟任城訪闕里  
工部伍君相與俱拜瞻古檜雙古柏林木肅肅風來裾  
誰圖米堆西磧樹空濛一氣春雨餘先生獨攝氣之表  
默候眞宰於沖虛探梅說豈爲梅作萬象開闔風雷驅  
是時議禮疏未上所懷不止西山隅旅館挑燈說周禮  
韓宣之聘言非迂萬古綱常植人紀迴環幅紙皆道腴

二百餘年付孫子裝軸仍到桐岡居題詞巖巖去雕飾  
合河海寧諸大儒使我執卷爲起立汗下不敢泚筆書  
吾曹日日析文字可憐所得紛區區櫝中只一眞實義  
千光收入牟尼珠

二十四泉草堂圖後歌

王子草堂圖屢作今題弟二曩弟三弟一圖出王槃手  
使我讀記憶江南月村丹青噪畿輔不載張庚畫家譜  
此圖構思在都門王子握鉛懷故土畫泉畫堂皆畫雪  
王子本不因人熱吟來望水凍糝糊想值燕山雪時節  
酒酣高歌唾壺歎拔劒斫地山石裂澹交幾箇心冰鐵  
喝取穿雲泉上月書生屋卽閣老亭前朝事對尚書說

尚書詩格傳海右秋柳婆娑到寒柳

予篋有秋史寒柳四首詩畫冊子

七十二泉黃葉秋三百餘年蒼石友

圖有麟遊石元行省平章張雲章四

友石

尚書昔訪金輿房離華飛翠神蒼茫誰將澹泞詩

中思寫入荒寒溪上堂何必平泉綠野莊相業竟不如  
文章高樓白雪鄰家牆蠶尾魚子誰低昂千古歷城詩  
話在他時更訊周書倉

唐子畏金陵勝覽圖三首

正德庚辰七月既望寫於夢墨亭

領解金陵客心灰二十年鬱蟠龍虎氣橫亘楚吳天易  
放看山眼難尋買畫錢蕭疎江上柳淒斷玉樓煙  
一縷迴雲氣滔滔萬里來峯頭纔吐瀑潭下已驚雷襟  
帶長江遶奔流挾石開墨花飛酒肆信有謫仙才

詎敢談彤勝支節訪石橋月明桃葉渡秋在木蘭燒胸臆堆千古江山送六朝只餘花塢響簾押雨瀟瀟

題項易菴小幀二首

游絲吳說賞春晴可信前賢畏後生虛實宋元消息得

易堂悟到易菴名

自跋謂董宗伯有一筆書以此法作雪景與古人瀆墨顯白者不同故以

宋人吳傳朋游絲書爲比于京子復初有讀易堂易菴其孫也

元氣淋漓意不傳存存退密更神全香光老子嗟心苦

迴首知音二十年

易菴又號存存居士昔董文敏跋易菴畫冊謂其會與宋元諸家血脈也

此幀自題乙未則文敏沒廿年矣

題邱鐵香所藏奚鐵生畫梅卷二首卷後有廣

東黎生詩也時鐵香假守南雄

庾嶺一花低峭影夢中每作故人看  
凌江書札章江到耿耿星河倚暮寒

東粵西江二十年幾人清氣蒼山川吳生得髓黎生後

卻是詩應在畫前

吳生蘭雪題詩於後也予在粵東黎生尚幼未及與試後見其詩畫而予

去粵久矣今吳生亦在西江選拔諸生之外執贄蘇齋故用沈石田詩在大癡畫前畫在大癡詩外之句

黃詩三集注本刻成集同學諸子於南昌使院

谷園書屋文節像前薦笱脯賦詩

丙申校寫拜像前耿耿至今十四年校上西清列東觀

詔付內殿琳琅鐫乙巳之夏印本出煌煌閣度光中

天連年志喜詩與夢夢到重泊西江船

甲午得山谷先生像奉於齋中

乙未得任注前序目始成足本丙申校上之甲辰乙巳皆有紀夢詩皆在六月十二日也乙巳詩有縑緇陳觀

今成軸風雨西獨慙末學忝持節敢擬前哲論宿緣精  
江昔泊船之句華真本訪不獲側想許尹稱任淵諸子殷殷嗜古力三  
注意歲汗竹全三椽院解谷園扁稽首何以償拳拳昔  
得詩孫古篆印子耕夢得然不然寥寥山木續編意空  
倚黃葉吟秋蟬三十年前占劒氣楊姚謝子俱翩翩酌  
觴今惟謝子在宦歸已苦塵累牽三年掄才怒飢渴寸  
心所積無由宣明堂梁棟庀杞梓龍門匠斲須牙絃斯  
文元氣在江右廬阜夜夜通星躔端從鉛槧出忠孝要  
以雄厚還山川近來稍稍得數子室深去聲且喜親堂筵  
瀝陳誓言冀公聽不在艋紫文緋編洪川無梁焉得後  
脩途實仗公所憐饒廳無物束笥脯真意鑒面同飲泉

千載此心許相質茗香可續雙井煎公平翩然躡雲下  
明月正照東湖圖

題沈石田像用卷中徐昌穀詩韻

昔觀王綸筆嗒焉禪者風今見蔣宥畫依然老詩翁詩  
意豈在多妙喻深兩瞳畫旨苑史得書髓山谷同能貌  
此意者定知非俗工是日燕香篆配食豫章公神若迴  
顧盼雲澹天無窮坐中萬古思揮弦送飛鴻

題大癡小幀

米家皴法轉疎蕪眞箇松江覓釣鱸領取香光老居士  
空諸所有實諸無後有丁卯春董文敏題云初見此幀  
於陸文裕家後乃自得之文裕文敏  
皆松江人故用張伯雨  
題大癡畫松江釣鱸語



諸生同餞於北蘭寺晚飯蘇潭次蘊山韻二首

有美東南詩弟子至今髯也思飄然畱題古佛初桃閣

收盡橫江萬頃天秋渚夢圓三載後蘇門話又百年前

端從王宋參禪偈不爲諸君賦別筵

康熙辛未朱悔人題曰縣津詩屋以

比漁洋也秋渚權載之語

檻思縣縣上綠苔似尋蘇步石坊來古歡舊約憑心印

老幹新英愧手栽對榻籤廚增感慨廿年衣袖積塵埃

臨分贈處期同學力挽層瀾大海迴

次韻畱別純之

相知三載近遂定終身依三載倏已過矧伊義馭馳以子媚學意皎若初旭暉雖已揚先聲還復凜後遲後遲

豈敢必努力篤所思靜存觀微妙定宇生光輝千里猶  
一室何間津與湄誓言寸心在定力復何岐知子應鳴  
鶴終不負鍾期

次韻畱別習之

伊余駕言邁念子猶下帷余亦懼廢學前途慎所之況  
子抱真意相勸無飾辭長若秋雨夕谷園聯榻時前哲  
有軌躅攝氣以仰思上下千萬古與子並轡馳

題香蘇草堂圖爲蘭雪別

諸子期春聚子獨何時并香蘇與蘇齋耿耿此心盟此  
山秋雨時此屋夜泉聲一几辦香篆一燈慈母觥夢寐  
與我俱雲龍矢脩程百家入騰蹕大海一鯨鏗真氣必

我應儻先數子鳴是日蘇齋楊雲結匡廬青會合定有  
期旦旦蓄精誠空山慎獨處努力勤令名

題假鶴圖爲蘊山別

我堂銘友善其初日有鄰蓋借他山助實取於輔仁我  
館題雙清其前日蓬鶴以目二友居嘉興吳春畦嘉穀  
江陰夏蔭敬顏  
久要寸衷託所以贈鶴心先爲假鶴卷數月借棲遲三  
年倍繼繼所以假鶴卷扁作來鶴亭千里在陰意爾我  
俱眼青

發南昌述懷十六首

三年勤懇意山谷與道園夫豈一日事廿載先默存寥  
寥十笏齋曠古來對論分寧旣編歲崇仁得考援遂於

匡俗廬山水共清言真氣感天地磊磊自軒軒文章詎  
一藝寤寐矢勿諉來者能繼否隙光俄飛奔斷斷爲學  
侶源委徒喧繁但餘蕉窗味雨涼秋樹根

崇仁春秋學接武眉州程我懷蘇門緒企彼張大亨程  
書世罕知宜春刻誰稱吳纂本亦稀臨川課師承空餘  
禮考注艱哉補逸經我冀此邦人六籍深耨耕錢郎金  
陵札塘主張一行僧昨商辛與魯諸賢待合并敬堂入

書訂

辛生  
紹業

異齋五禮徵

魯生  
嗣光

何時得成帙雨榻對一燈

此事非我私寄訊劉台與凌廷堪吾黨重久要所驚非虛  
聲

汝南詰文字孔書易孟喜豈爲區門戶所得非私已所

以研經義必自識字始在昔尊聞生今之敬堂子吾選  
西江士賞析從茲啟詎泥古稱先要取原測委磐洲與  
雪坡共涂猶異軌每宿鄱陽城悵望落星汜敢詡函雅  
故將期達神悃感激來鄧生相求涉千里

蘇洲  
同行

昔觀金陵學車服與禮器悵懷江之右寤寐弦歌肄李  
斯皇象碑攷古雖粗備豈若熹平隸是正經文字吾里  
退谷翁百名寶在笥吾每跋尾餘恨不膠雍實昨者錢  
生詒泳巧與孫本配竟得洪都庠五石量位置我作殘  
字歌和者百千輩豈惟釐字體將以審經義舟車二載  
餘果得踐斯志副本嵌蘇齋他時續爲記

草廬及道園文章皆理學夫豈才筆騁務與歐曾角半

山急用世成就或醇駁當其始學時本亦勤切琢土方  
茅屋居遑遑見甚卓履之乃知艱境苦不自覺正要翻  
覆看方信志行確平易初何害質厚乃完璞近人學三  
魏格調襲煩數端從肆經始此事須商榷

時文體屢變前輩稱五家後來紛摹擬踵事何陋耶臨  
川陳與章純瑜粹無瑕觀者但驚絕異彩揚天葩文止  
淡彌旨咀腴擷其華彼哉貌襲取一瞬千里差從此間  
歐曾若海由津涯士病氣易驕奚以洗淫哇所視夙夜  
養豈在礱斲加漸使胸有書庶望思無邪

谷園我題扁采風陳以詩每懷屢詠度弟子笙筦詞豈  
敢泥宗派勛以求多師顧惟士風習卜爾鄉校司所以

資深原燥溼應有宜乾坤清剛氣視善宣導之樂聲淡  
爲主律本宮不移吾寧慎擇取忍以汎濫爲是中真性  
情幾箇能具知千仞鳳皇羽揀盡朝陽枝

西江山水境吳楚控粵閩遠溯春秋疆難計合與分載  
攷敷淺原吾友胡雒均舊云甌越引襟帶略傳聞章貢  
百分支匡阜千嶙峋麻源雖已涉玉笥吾未親寧都探  
金精信州攷招真龍虎鉛汞氣遠近孰主賓鹿洞有大  
儒青原有名臣終擬此兩山傭作執役民

周鐘出江濱款識吾及讀班諸籀古間可以呂薛續今  
士尚寡聞安望吏稽牘頗餘吉金字五代十國錄金多  
石轉少拓本人罕蓄一十四府州唐碑不十幅欲綴豫

章記空詮象之目黃書勢雖勁石泐鋒太禿摹補計未  
償野食勞信宿贖取吾齋名唐篆云應谷

初來聞轉饒四國郇伯勞連年獲歲稔十郡黍苗膏沿  
江地卑溼雨多不傷澇雖殊箕畢期一以時徵報余忝  
舟輿暇歡歌聽風操舒長化宇氣亦資髦士造菁莪沼  
沚豐蒹藻左右芼良辰各懷新敢矜鄙私禱但慮飽易  
嬉心力荒怠傲職思母太康民俗愼所導

九秋仍餘熱三月尚晚寒白沙翠竹江洑流漱石灘和  
緩與峻利調劑術斯殫馴黠而扶弱斟酌於猛寬所喜  
戶勤儉畢力營一簞民貧易以思土瘠易以安旣非脂  
膏窟恒得清廉官最愜於鄙懷公譙稀往還豈惟倡優



拙併少清吹彈日飲東湖水如鏡掬澄瀾

昔我圖藥洲遶屋皆古刻今茲繪谷園前賢罕遺墨東

偏有鄰堂舊扁不可得

吳荆山書

友善顏新題

曹薺原

我記聊

是塞中丞雙鶴遺愛此柵樓息如我學侶心千里在陰  
憶稍西蓬鶴軒數友共賞析靜香與雙清齋館竝其北  
我扁谷園屋中間不尋尺秋雨秋燈下諸子來請益往  
復廿晨昏萬古羅几席八年藥洲上乃遜此暇隙袖中  
有此圖奚必舊陳迹面目孰是真匡廬飛古色

東湖剔鐘款於今二十年夢想秋屏閣三十一載前花

洲蘇公祠橫橋月幾圓樂順老人句未得賡多篇

百花洲壁

間錢文端二律去秋與二主司來和之今秋竟未和也

拙楷子安序腕力怯脩椽

記與述菴共參詩屋禪小像供縣津相邀過北蘭昨  
對秋渚雨逸氣憑江天欲書秋渚字百尺飛棋邊莽莽  
空翠色淡倚西峯煙

辛鄧

傳安

既北上二魯

肇光嗣光

亦予依獨憐王家仲

聘珍

麻源

掩山扉我刪西江什蔣公後勁稀二吳照嵩梁儻其亞天  
駟不受韉我愛蘭雪生造意每入微窮秋獨歸去負米  
爲慈幃我作得髓說蓮洋喻是非敢以一世才定爾終  
身歸昔聞東粵士思我怒若飢不及西江水日響牙絃  
微

閱世三十年方知學爲福謝生三爲郡始羨一窗讀昆  
傳生神明宰兼喻生循良牧忠各抱一經歸貧不具饘

粥楊生方楚游宦歸賣茆屋書來約秋杪晤我東湖澳  
宗理衰不及待翦燭何時卜二三門下士青鬢半已禿  
安得不慨思燈火親敝簾顧語新英俊鑒此年晷速  
章門靜如鏡昔迴粵海舟十八年前水復遶衣襟流昨  
非雖屢悟昔遁何從收韋絃誠已佩褊急疾未瘳知過  
弗能改譽言日交投念此汗浹背顧影中夜羞日對匡  
君語尚未除驕浮此去讀何書始克寡悔尤惠而能好  
我勛以加勤脩歸當勒五序置諸石墨樓

諸生贈  
文五首

復初齋詩集卷第三十九

大興 翁方綱 正三

谷園集七

己酉九月  
至十二月

清泉亭

小縣臨官道江流曲抱城亭依厓壁立泉似長官清門時  
人何生乳雪巖花沫松風石銚聲倦遊三十載爲我濯  
宰此邑塵纓

圓通寺

眉山父子經行處我昨披榛覓無路斷石斜陽一徑中  
石耳雙峯脈交注清泉一泓何處來當時明月如相晤  
道人導我屋後亭眞氣一倚山靈助訥公歐公儼對面

淨几一盃香一炷畫屏畫出蒼鬚眉五老神情宛來赴  
寺後有夜話亭繪訥禪師歐陽公像後來仙公與慎公幾將夜話追前度  
著火凌空寶蓋飛牢籠攜取東軒謨何不同摹主客圖  
八萬偈子皆箋疏從遊那不併畫我三峽彎橋恣飛步  
今古精靈天合成江山宿諸人誰悟容易峯凹策騎來  
數面情親山有素團團古鏤深苔花日日擗雲漬巾履  
昏陰林薄一聲鐘客遶匡山東北去

東林寺三首

入門先一笑片石對溪灣蹟泐歐顏後名鐫蔣米間六

朝人宛在廿載緒迴環幾度尋詩意凭窻面面山

李北海碑

有蔣之奇米芾題字前  
年方綱亦題一行於後

三笑堂前飯誰明宿夢因濟南詩臭味新建墨精神露  
帶碧香久池蓮照影親虎溪橋外月送客皺粼粼  
漪洗多生習東林日暮鐘溪翻千轉偈石倚一枝筇眞  
籟非文字機泉漫碓春還來乘夜雪收盡翠千峯

桐城晤姚姬川二首

知我得才賢

姬川以予在江西選拔得二魯生爲賀

深余廢學憐豈徒增

舊話實要理陳編濤皖江千里蓬瀛侶廿年桂宦臨別

語追憶倍皇然

昔同人共餞君於程載園桂宦也

樸學存吾素天涯復幾人平心商出處養氣更深醇慙

對如聯榻脩途借問津靜光應照我輕轆尚車塵

過大關錢香樹先生鄭誠齋錢稼軒梁瑤峯及

予舊題詩軸皆已碎爛縣令云將爲重裝感賦

三首

重尋浣壁看山字倍憶看山握手人是客識山山識客

今朝青眼對山真

丁卯秋交己卯秋江山奇秀欲全收誰知卅載行旃返

甫得匡廬面目訓

千峯青峭暮雲閒乞得龍眠一幀還好共谷園詩合軸

平生師友皖公山

純之習之蘭雪皆自署谷園弟子習之以山谷上坡公詩小州有遠志相

依在平生十字篆爲小印

舒城至合肥道中四首

白描何處佇蒼茫已繪蘇公又繪黃萬馬天閑眞眼力

始來牛背著圓光

分明撫建接煙邨添得龍舒岫勢論客到鍾山驢子上  
可曾三谷憶麻源

淡靄浮嵐畫不真半黃衰柳更傳神不知初雪淮南景  
何與藍田學佛人

丹壑前身慧業僧濟南那必泥師承寥寥得髓蓮洋外  
只許斯人說代興

昔在粵東雷州道中和道園詩韻寄懷蘅石蘊  
山又於廉州次韻以示魚山癸卯秋東出關與  
石庵誦道園此篇欲次韻而未果丙午秋奉江  
右之命灤河道中復次韻述西江人文之



脈兼懷石庵石公魚山今三年矣而石庵視學  
畿輔魚山客遊中州石公下世淮北道中感  
而有述寄懷谷園諸子

我登匡廬眎南州諸峯一視埵與邛章江西來百川水  
東湖蓄洩於花洲此邦詩文有宗派律比武庫森公矛  
初來志局論史例遂有新作掩魏收

蘊山補撰  
西魏書

因勒遺

經繼前修澤宮齒讓揖射侯百年墜簡勤綴緝泰山毫  
芑非闡幽南古真人聞叩石皖山老子來騎牛六經中  
天揭日月菑畲邠向文章求吾於崇仁問三禮詩書而  
後惟春秋纂言足矣非纂禮什一或抵千百留王魯二  
生同匪異

習之欲以三禮合三傳實齋不欲以  
三禮合三傳二生意實不相悖也

鄧辛兼

許源源流中和歌已選何武灑掃職漫譏言游舊本盱  
江攷學記不虛放權官亭舟谷園卷子可誰質桂四爲  
我題銀鉤

張荔亭溪山選勝圖

賜金園圖今百年

昔張文端公有賜金園圖一時名輩題詠

世家文物留山

川我屢經過挹嵐翠猶如親見圖畫然師門負笈生也  
晚未及前輩相周旋夢遊問奇載酒處一水一石懷平  
泉昔陪汪亭同瀑直每話勝踐尋無緣令弟軒軒負奇  
氣詩筆繼起相爭先四代文章富編輯一卷烟水娛畫  
禪此溪浴涸卽江渚此山卷石皆龍眠處處幽尋不待  
選濃青合黛神娟娟畫家赭石得暈法不用粉墨烘丹

鉛淡處蒼茫取大意一隻裊窈虹月船君於其間寄吟  
嘯攬勝盡得天機全名園韻事皆掌故當時

宸翰猶高懸花香竹氣被沾潤水光山色增鮮妍此圖  
正在勵忠孝不爲卜築心拳拳插架藏書想手澤角弓  
嘉樹依墓田我忝君家門下士不敢泛作寫景篇符離  
郵亭樺燭翦夜夢復到龍舒邊

閔子祠

宿州桃山驛  
南十五里

溫然純孝見肫誠德行由來卽性情漢代曾於碑擬象  
漢武梁祠碑有二弟革周時已用卦爲名蒙配食居移汶上言

閔子御車像

雖託地界河堧考未精欲訪遺文無古刻經春帶艸蔓

前楹

黃樓

峻峙彭門壯憑高眺覽長一堤回地脈三面拱天閭昔  
朱元豐歲維徐泗水陽河平無上策土德本中黃坡老  
詩成處秋晨客舉觴欄橫波渺渺天接氣蒼蒼今尚邀  
明月人來立羽裳夢餘圖一幅拜奉室中央石墨雄千  
古髯秦賦幾行烏雲紅日句聚我小樓光

放鶴亭

亭居山半麓山接郡西南天驥懷如昨雲龍號不慙  
宸遊題屢錫佛屋闢成龕仙羽招虛碧空音下蔚藍西  
江初奉使卯歲記停驂對酒澄秋暑推窗卷夕嵐重盟  
來制府昨話共惺庵心跡雙清感中孚一氣堪谷園諸

子應蓬鶴夜深談念念前塵在彭城舊夢諳

孟廟二十四韻

道衍尼山脈祠臨魯甸寬巖巖瞻氣象肅肅拱林巒城郭堂筵翼星雲棟宇蟠遺經森矩域浩氣壯層巒

御藻輝簷額天文麗井欄天震苔花碑業業鐵榦柏丸

丸正接山靈秀相依勢鬱盤大東青不斷表海紫迴瀾

配義軒天地摩厓切仰鑽篆文誰祖述說文云篆文者秦篆也棗

木况摹刊不及書臺蹟猶留筆畫端昔稱宗許慎今已

少揚桓前為孟母廟廟內暴書臺有揚辛泉三大篆邈爾尋章指於庠樸學

難幾家窺解疏邪易說荀韓近有孫音按重鐫趙注完

三遷圖竝證四考力尤殫曲阜孔氏新刻趙岐章指并係爽音義杭人周廣業撰孟

子四考積篋瓊兼玖頻年墨與丹釋應增陸氏字憶補西

安此僅經生事寧追聖域觀往來滋愧汗惕息共儒官  
一昨銘章浦何如近杏壇未知私淑義敢附育才看間  
渡茫無檝調飢甚待餐辛勤燈火意八度駐征鞍

在平道中雪

飛雪一夜來長林展瓊素皓皓曙光中翳翳重雲互蒸  
空非嚴寒仁氣所調護麥壟滋深根泥融不成迥知近  
聖人光上瑞來布濩已喜炯晃間

輦道映烟樹霏靄遠邨閭八九農家住時聞笑語聲風  
吹出籬圃歲歲炊餅大家家備春酤安知行役人採入  
輶軒賦

阜城道中雪

北地寒未冰吹噓溫律始一色連岱東雪雲三百里三日行雪中村樹間表裏豈惟凸凹間得悟詩畫理近巖飢

深仁覩土膏且旨以茲五穀精勸彼三農趾枯林襯虛白淡入光迤迤盎盎中有氣綿延意未已欲寫無以名敢僅體物比直將豐年兆繪出

天顏喜

趙北口三首

溶溶涵

聖澤浩浩接黃圖膏壤臨齊魯煙波似楚吳風帆迎日

動沙鳥忭

恩呼比戶豐年祝魚羹酒百壺

策馬長堤上春陰又六年聯吟追鷺序汎宅狎漁船點綴遙邨意低徊老柳煙夢馳南淀水復到滹溪邊

十度過瀛鄭暄和喜午程每懷題榜客輒作大書評欲

借煙光潤他時浣壁成目遊王內史快雪正時晴昔過此皆

於陰雨風雪惟今日雪晴也橋上燕南趙北四字方宜田制府所書

送吳超亭之官安慶

我從匡廬來憩爾棠樹陰十年飛鳬處千里鳴鶴心我作雙鶴篇客思渺雲岑何意風雪中對影栖故林天涯弟兄面幾載訴分襟同巷復對宇時與令弟靜巖同寓予對門骨肉



切規箴誰言出佐郡且且誓精忱筮仕三十年無媿影

與衾蒲褐齋中士

君爲王述庵門人

跌息觀其深去謁制府公

澹對澄江潯何減梅華衲松風鳴玉琴巡簷索爾仲濁醪來共斟

予藏明周定王小研銘云割紫雲之片石兮漾

璧水之元光蘭雪凡古篆十五字今以拓寄蘭

雪吳生系以二詩

佳名恰好是嵩梁璧水元珠炯炯光不比當年新樂府

空歌橋外月如霜

元氣淋漓何處收南州詩派接中州畫圖他日君隨我可共蘭舟共雪舟

秦敦夫編脩購得其鄉前輩汪蛟門少壯三好

圖遺照屬題三首

抽祕薇垣已入春鬚鬚那復少年身諸公莫執枚生發  
箇是參禪過去因

我無他事羨蕭琛借爾圖中鑒古今緇帙滿牀裝幅錦

扶風古隸竄關心

南史蕭琛字彥瑜常言少壯三好音律書酒此圖用其語也彥瑜嘗得古

本漢書敘傳非篆非隸

前丁未到今丁未詩話邗江百廿年百尺梧桐高閣雨

丹山雛鳳更翩翩

秦敦夫調鶴坐花圖

舞綵娛親始盛年邗江才子玉堂仙花如內景滋培足

鶴取中孚信誓傳言行樞機占氣誼文章根柢發暄妍  
在陰和應孫枝兆博得詩翁一粲然

宋句寄尊甫  
西巖觀察

臘月十九諸公集蘇齋作坡公生日觀宋漫堂

小像及西陂艸堂圖同用西陂集中祭坡公韻

十年屋扁題寶蘇掇拾補注慙功夫空教日對筮屨像

軒軒千仞蒼眉鬚憐余驕筆日枯澀但丐公蹟思霑濡

施顧注本邵馮補細流土壤誠區區百餘年前澤南夢

焚香掃地圖畫俱

漫堂蚤歲畫坡像而已  
侍其旁後果得官黃州

惜哉此圖今

不見歲歲筍脯徒追娛伊川脩竹水南卜然否卽此西

陂圖名家子弟肯堂構手澤想像存杯盂

圖爲宋  
蘭輝物

商邨

學士釣遊處某水某樹邨與衢瓣香蘇門稱弟子殘膏

賸馥今有無來就吾齋拈一笑苦覓故紙無乃迂醍醐  
與酒雖不二那向法乳叅文殊嵩陽居士青眼在勸君  
且勿執一隅料量僧虔倚柱法駸駸契帖馳官奴時以新安程氏所刻天際烏雲帖摹本同審定

以文淵閣校理小印贈羅碧泉宮贊碧泉旋  
補充日講官卽方綱所遺缺也有詩見惠次

韻奉荅

香案西頭玉檻邊

文淵閣官及講官班皆在西

日

五雲消息石先傳

右軍虞監銜如接丹篆韓公夢待圓閣吏銘應論故事  
靈威符已詫羣仙奎章珍重鼇峯記秋月寒廳證昔緣

兒子

樹培

手搨貢院號舍塲文題其裝冊三首

小子耽蠶蠟風簷寸晷中匏尊未谷外今日幾人同寄

戶泥塹字苔花棘刺叢閱人三百載辛苦訴雕蟲

隆慶追成化王錢

守溪鶴灘

應舉年文初程後進體已變前

賢但說良工斲何會匠質傳我因陶旒式鑑古倍皇然

成化博一隆慶博十六

記訪平江字金陵舊築時書生誇老號矮屋閱秋颺逞

者虞山客會爲棘舍詞只慙來弔古剔薜茂先祠

江寧貢院

有所謂老號者見虞山陳亦韓別號舍文予己亥典試江寧撤閣日訪得張茂先祠晉咸康四年擊一

倪雲林詩冊殘本是元朝官獄冊子紙背寫者

### 題二首

小胥冊子官書背忽訪江風海雨來借問紫芝吟賞日

何如東野與西臺

此冊或云俞紫芝寫

仙館朱陽訪異聞  
茵峯巢閣有眞文  
從今夜茅山夢

長史壇碑滿白雲

補入集中跋語數條有云張伯雨所撰茅山志自寫刻者

宋比玉采蓴圖用程孟陽詩韻

韻事鄒陳作畫時  
此圖又隔八年遲  
夢迴西子湖邊舫

人憶眉公卷裏詩  
楮墨浪浪增舊雨  
烟波渺渺爲誰思

偈庵老子叅禪喻  
可記楓亭瞰荔期

陳眉公與鄒舜五採蓴太湖事在天

啟壬戌此圖作于庚午

裴山題子谷園卷云  
谷園移不到蘇齋  
感其意

用此句荅之兼寄懷  
谷園諸子

谷園移不到蘇齋  
安得相將數子借  
似爾論心眞石芥

不第卷之三  
二  
慙余促郝小茅柴輪轅效駕非徒飾川路知津未有涯  
瓦銚淪泉烹活火年光又到燕松巔

陳桂堂戶部今年元日偶集句云石渠萬卷全  
歸笥魯國諸生半在門是秋果典試山東歸而  
屬予書其齋壁賦此代跋三首

文字因緣巧合并濟南名士待題評璵璠萬丈長虹氣  
我正高歌魯兩生

予今年在建昌作魯雙玉歌

十年前記餞筵并壇闕追陪有舊盟今日不須誇宋子  
竟收未谷作門生

曲阜桂未谷及安邑宋芝山皆與予  
考訂金石六書十餘年矣已亥秋予

典試江南未谷匏尊芝山置酒賦詩爲餞其後芝山以  
癸卯中順天鄉試而未谷庚子冬教習期滿歸里予辛

丑春遷司業有愧貳成均遲  
半歲不收未谷作門生之句

私淑漁洋非一日五言三昧意誰評有人悟徹王韋柳  
始信前賢畏後生予四十年前卽得交宋蒙泉其後多與山左詩人相識因得遍參新城論詩大指予嘗舉新城三昧集凡右丞不取韋柳而五言詩鈔取韋柳不取右丞其意安在屢質之山左後賢無能答者

石墨書樓集一

庚戌正月  
至三月

書樓之名十年矣以得化度寺碑真本也繪洛陽范氏書樓之圖又已五年今乃得卜小樓三楹居之以名詩卷焉

石墨書樓歌

我圖書樓今四春寺街卜得樓居新此圖遂挂此樓下  
儼然自命圖中人不知洛陽范氏築近依嵩闕青嶙峋



七百年前置書榻亦如十笏邇市塵率更令書三段石  
邕禪師證前度因寥寥偈子那擇地崇棖華構徒紛綸  
但餘老子眞實義登登壁響湮澗濱姑溪魯齋後先說  
使我感激思結鄰周欄四達須底物翠墨聚起春空雲  
晝思夕寐亦習氣索茅祝貺酬辛勤樓下蠹餘百千篋  
樓窻響榻三折親中有古人不傳處誰言做帚迹已陳  
三日野宿同枕藉百尺捫厯羅星辰異書不在六合外  
跬步且試初枕循敢矜藩溷置筆斫不辭破竈然溼薪  
仍扁前題壁窠字街西日日鐘聲聞

十一日圓明園

宮門接 寶夜宿直廬用舊韻二首

寶篆 絲綸切榮分侍從臣直廬司鳳諸待漏問鷄人

綠字森瑤檢疇圖叶躍鱗欣逢

皇錫訓瑞滿屬車塵御製八徵耄念之寶記

卅六年前夢不到內閣直廬同班七八臣故事編修檢討輪直十員

於圓明園侍班甲戌乙亥間同直中王申同年邵蔚田梁山舟謝金圖博西齋紀心齋王良齋王元亭與方綱

凡入誰將會宿處話與後遊人海澱舊有屋十餘楹爲翰林直宿之所三十年

來無復有露溼青巢羽風喧碧沼鱗祗憐行役久慚愧

知其地者濯衣塵

丁小正自南昌寓書以欸人所製蒲褐山房墨

見餉賦此呈述庵兼寄懷小正

小正來南昌正予北歸日握手不忍別惓言蒲褐室巽

齋時在旁

魯生嗣光

鄭學共相質誰謂分襟際相觀歛於密

緘來述庵墨如展鄭學帙禮堂資繕寫六藝綜遺佚小  
正意如何使我增怵慄廿載前比鄰對榻誦搖膝江城  
歎話期過眼風雨疾好在黃山翁搢麝蒸如苾知我白  
守黑似爾膠在漆何年共燈燭寸心箴得失此墨此志  
歟耿耿書難悉但將千里心無負一牀筆篆烟繚空濛  
虛白氣充實大東膚寸雲吹遍新陽律

時予與述庵同扈

東 廨山

未谷來都門以阮亭名字印見贈

十年挾策上燕臺想自夫于別墅來曾寄畫圖摹海岱  
手披雲氣見蓬萊屏提果得真傳否禪悅寧非舊約哉

心印笑拈新偈子濟南詩境要重開

未谷丙己圖二首

丙辛米老像曾摹識字何如丙己乎十二篆師肩拍袂

說文統系續成圖

未谷嘗繪許祭酒以下至二徐張有吾衍之屬曰說文統系圖因自題書

室日十二篆師精舍

握手論文又十春蘇齋重對話前塵目光直上窮千載

肯作陽冰以後人

桂堂以予前詩及諸君和作題曰魯璠聯壁題

此博諸君和

科名衣鉢卽文章東岱西江話共長魯玉先歌魯貢玉  
桂堂果許桂升堂遠追瀆井千年字近浥漁洋一瓣香

眞到陳家說星聚珠聯璧合在門牆

從

駕出東安門呈述庵侍郎闕峯閣學

二月八日

東風並馬 禁門東睡眼朦朧蠟炬紅人似寄園聯屋  
住手披鄭學一編同壤泉淡白春陰外卽柳疎黃舊夢  
中添得新知綸閣侶唱酬何減聚煙篷

獨樂寺觀音閣榜相傳李太白書也寺僧以紙  
索詩

逸氣如虹不可攀尚留遺墨鎮禪關  
追天寶開元際書在平原北海間  
應似老仙空宿劫獨來高處閱塵寰  
護持那用雕欄檻自有千峯碧玉環

閣上可望盤山

扈從途次見玉亭宮詹閭峯閣學唱酬之作次

韻二首

燕趙論風雅非徒梓里親  
雄深中有物慷慨契無鄰  
大義誠師古諸家總不真  
與君馳藝苑高步躡芳塵

侍臣

陵下宿山夜倍思親對酒  
縈千緒悲歌動四鄰  
切劘忠孝事感激性情真  
此是詩家髓清無一點塵

小松書來云計日當到濟寧  
要過其衙齋觀所藏金石  
先此奉寄兼寄鐵橋并邀  
述庵閭峯和作

黃伯思今張力臣濟州重到  
剔青珉江頭手札無虛歲

海內心知有幾人圖畫紫雲添我輩盟言蓬閣記前塵  
大東石墨神飛舞合著洪婁會面親

黃新莊曉發

近畿尺五天蒼光護 雕輦周廬衆星羅一塔城埤辨  
俄臨羲馭升漸覺星光淺 宮門曉不寒翠氣堆橫嶺  
峩峩雙鸞颺迤迤平疇展七車謝多識三篋慙雕篆春  
律繁我懷舊侶記前躋落月如有思重雲積繼繼老柳  
三十年新黃萬絲捲

庚辰二月宿此

比廬行呈述庵

周廬夜夜相比聯聚居有似比屋然布一幅作屋一椽  
官齋臥舍以櫛編僮僕與馬追駢闐几席湑庖無弗便

大者四帀窗楹全幔亭之幔規而圓小者銳頂垂兩邊  
茅屋時借蘿補牽述庵老子翰墨緣卜宅屢獲相隨肩  
章江官署巷復連北歸寤寐心拳拳春風屬車策兩  
羈橐筆挾冊馳後先夜燈相望如帘懸如挂幅帆齊泊船  
夢成江湖水粘天支篷遠近峯疊煙渺湖圖畫三十年  
雲樹照映磨丹鉛那執彼此徒牽經十笏偈子非言詮  
趺息來共蒲褐禪

奉

命祭毛公祠十六韻

二月廿二日

六義歸

宸定諸儒統



折衷臣愚叨扈

蹕

勅遣謁毛公昔聖言兼教惟詩孝與忠說家紛演繹傳  
義獨昭融逆志探原委無邪貫始終魯齊韓悉叶風雅  
頌攸崇詒備亨遺逸箋該鄭異同一經推著姓千載表  
專功往者河間聘初從博士充墓仍城北址祠近獻王  
宮仰止堦墀肅握趨廟貌隆碑銘稀古墨棟宇煥

皇風

重建碑立於順治十二年

絃誦知仁里興觀切學儻卽今髦士

造誰似長卿通

毛公詩學傳同郡貫長卿

末學依桑梓深期牖困蒙

循牆稽首去策馬愧匆匆

獻縣道中寄懷端林仲子敬堂蘭臺巽齋

驅車獻王宮改火及新麥倦言汲古心何以申在昔憑  
眺值初陽繾綣忝行役原卉具靡靡館基猶歷歷四禮  
意可稽三雍面如覲卓爾大雅人艱哉補遺力後來哀  
輯家奚自經傳析千年源師承前哲想多識邇日同心  
友幾得其函席江干擷蘭芷薊北竚晨夕暮雲林埃轉  
芳月煙景積舊夢勞中宵新知望三益

邵瓜疇畫米老海岳庵圖摹本二首

七年虎阜札中聞一幅瓜疇袖裏雲海岳淨名披舊榻  
晉唐古木挂斜曛書留籃竹丹淵句券寫江天玉楮文  
此是研山眞息壤輟耕圖漫說紛紛

蘇米名齋十八年英光眞帖意誰傳故人空寄丹陽諾

今日重開寶晉編二老鬚眉神宛對九霞鸞鳳嘯迢然  
淋漓萬古江山氣只在爐薰篆縷間

元遺山靈巖題名云冠氏帥趙侯齊河帥劉侯  
率將佐來游好問與焉丙申三月廿五日題在  
党懷英撰書碑陰下有丙辰冬至日蓬山劉惠  
淵游靈巖詩丙辰卽明昌七年丙申是蒙古太  
宗八年是時遺山正在冠氏金亡之後二年也  
因手揭此蹟卽借劉韻記之

党記劉詩託此傳驪珠廿七氣橫天濟南紀後千行淚  
野史亭邊一掬泉內翰相過應寄語邑侯同到亦良緣  
我來手挹芝英露不枉追攀淨土蓮

奉

勅充曲阜釋奠分獻官敬述四首

思樂鸞旂泮水詞壽臧會頌魯奚斯豈如今日祥徵備  
親見長春

聖受釐氣召嵩呼皆玉策心傳璧響卽金絲侍臣最忝

榮分獻不比初陪國學時

方綱辛巳秋得充上丁分獻官今三十年矣

宗伯銜兼學士班同卿漏刻職司關

是日分獻東西廡者兩閣學及僕卿

監正也

菁菹醢醢春官薦姑洗編鐘月律頒古篆昨猶稽

貢水

乾隆己卯江西臨江府得古鐘十二獻於

御銘於

上

御銘敬聽振東山徘徊兩廡宮牆下心系昌平俎豆間

重門落月下迴廊古檜青摩萬丈長會合兩行雕竿氣

敬拈一瓣爇鑪香階除厯厯通周城子姓侁侁佐太常

聖裔充贊引官欲附史晨銘執事給充瀆井掃壇場

同文門接奎文閣唐隸碑叅漢隸書幾載夢隨昕鼓篋

一宵來近聖人居前夕館顏氏家發凡直綴編年後西廡左氏第三十二

數典猶追問禮初林放稽首捫心憐廢學及乘春雨事

經鋤

濟寧學宮觀碑歌

王城八碑凡十龕鄭固范王斷者三其餘未斷半已泐  
有若蠹簡穿白蟬魯峻字大武榮小景君書體方長叅  
鄭季宣碑昔露半今也如鑑圓開函星斗光中附識語

未有賤子名眞慙額書未顯尉氏令石柱賴得黃秋盦  
五載恍然踐前夢什襲裝已償昔食果來手捫參井度  
升堂目眩珠貝探豈徒武梁葦祠闕親見孔聖訪老聃  
拜觀禮器仰車服鼓剔史氏官稽郊國初曹仲張力臣  
皆好古班班石側留墨酣已嗟槃洲費延佇况我今夕  
同研覃李家兩世富藏弄千峯拓本囊烟嵐斯文精氣  
那得悶幾人淡味來分甘亟齋釋文我竊補鄱陽韻部  
續已堪千年璞到今日剖尺青寸碧雲生薄晚陽濃注  
泮池上衣香墨翠深醺醺闕里昨來聽鐘鼓戟門風響  
交檜相黃子繪圖縮小冊他年詩話留濟南我歸直廬  
手畫肚蠅頭隸古成春蠶

秋盦署齋觀所藏金石秋盦爲作圖同賦三首

三月十七日

張弼鄭簠同來否片石摩挲意不傳多少精微待親質

等閒拋却十三年

丁酉與秋盦別至今十三年矣

任子城陰接海潮蓬萊幾客託山樵月明梧竹疎疎影  
又借秋盦識鐵橋

山城駐馬傲鄱陽石闕重開記武梁半晌茶煙千載事  
漢碑圖畫出文章